



Bou ons kinders vir môre

Sondagskool 4

Lestitel: Openbaring (2)

'n Ouerhandleiding

Sondagskooltuisonderrig



Liewe Ouer

Welkom by die les: “**Openbaring (2)**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Openbaring (2)
Bybelwoord	Openbaring hoofstukke 19; 20; 21; 22
Lesdoelwit	Die kinders leer dat God 'n nuwe hemel en 'n nuwe aarde sal skep. Ons berei ons met vreugde voor op ons ewige lewe by God.

Lesopsomming:

- Verlede week het ons geleer van die bruilofsfees en ewige gemeenskap met God wat op ons wag, as ons getrou bly en die sonde oorwin.
- Apostel Johannes skryf ook oor wat sal gebeur na die Bruilofsfees van die Lam.
- 'n Engel sal uit die hemel neerdaal en Satan vir 'n duisend jaar lank bind. (Satan sal gevange gehou word)
- Die Here Jesus sal 'n Koninkryk van vrede skep wat 'n duisend jaar sal duur waartydens Satan gevange gehou word.
- Diegene wat aan die eerste opstanding deelgeneem het, sal gedurende hierdie duisend jaar saam met Jesus as priesters van God regeer.
- Apostel Johannes het ook 'n nuwe hemel en 'n nuwe aarde gesien.
- Die Heilige Stad wat deur God geskep is, sal vanaf die hemel na die nuwe aarde kom en die troon van God is in hierdie stad.
- Almal wat by God woon, dien Hom en mag Hom sien en sy Naam sal op hul voorkoppe geskryf staan.
- Slegs diegene wie se naam in die boek van die lewe staan, sal hierdie wonderlike stad binnegaan en vir ewig saam met God regeer.
- Die Openbaring van Apostel Johannes herbevestig die belofte van Christus se wederkoms.

Wat beteken hierdie les vandag vir ons?

- Christus berei 'n spesiale plek vir ons voor.
- Christus het belowe om terug te keer, en Hy sal sy belofte nakom.
- Ons moet met vreugde voorberei om saam met Hom te gaan wanneer Hy ons kom haal.



- Ons moet daarna streef om oorwinnaars van die sonde te wees om hierdie stad te beërwe.
- Ons wil vir ewig met God regeer.

Sommige vrae wat ons kan vra:

1. Wat het die engel aan Satan gedoen?

Antwoord: Hy het hom duisend jaar lank gebind. Hy het Satan duisend jaar lank as gevangene geneem.

2. Het Christus vir ons 'n nuwe hemel en aarde geskep?

Antwoord: Ja, Hy het.

3. Hoe sal hierdie nuwe hemel en aarde daarna uitsien?

Antwoord: Kinders vertel hoe hulle dink dit sal lyk.

4. Wat moet ons doen om hierdie nuwe hemel binne te gaan?

Antwoord. Ons moet God dien en alle sonde oorwin.

5. Wil jy saam met Christus gaan wanneer Hy terugkom om ons te kom haal?

Antwoord. Ja.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders, Mag ons u teenwoordigheid aanvoel

Seën die les wat ons gaan hê, Leer ons hoe om U te dien

En help ons om u wil te doen, Sodat ons nader aan U kan groei

Stuur Jesus om ons te kom haal, En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.